

塞外見聞錄

金

題

塞外見聞錄

察哈爾八旗東至克什克勝界西至歸化城並陝西
南至太僕寺等各牧廠及山西大同府朔平府邊
界北至蘇尼特及四子部落界袤延十餘里漢為
上谷郡雁門郡之北境直匈奴左王居及單于庭
後漢為烏桓鮮卑地與桓枝尉治焉元魏置禦夷
懷荒柔元撫宴武川懷朔六鎮唐時突厥及奚居
之遼為歸化奉聖諸州北境及乙室訛僕括部撒
里葛等部所居金為西京路之桓州撫州等地元
為上路路興和路大同路及寧昌應昌德寧全寧

淨州集甯等路地明洪武時置開平等衛所後俱棄為邊外地

自明初元裔阿裕實理達喇退居和甯在今喀爾喀境數傳之後去國號稱為韃靼號曰可汗至明景泰中元裔托克托布哈之子瑪拉噶爾嗣立始稱小王子其號皆以小王子為號成化弘治之間小王子屢入據河套嘉靖間有小王子卜赤駐牧察哈爾地因以名部亦曰插漢兒時諳達方強懼為所併及徙帳于遼東邊外收福餘雜部四傳至林丹自稱胡土克圖汗漸強勝萬歷四十三年屢犯

遼東崇禎元年來勢犯宣大邀歲賞西馳逐侵暴
諸部其所屬自台吉等俱率眾次第歸天聰八年
太宗統大軍親征察哈爾林丹懼欲走往圖伯特
奔至打草灘而卒明年其子崧果爾額哲率餘眾
來降封為親王即其部編旗駐義州順治五年額
哲率其弟阿布鼐襲爵傳至布爾呢兄弟于康熙
十四年叛討誅之移其部眾駐牧宣化大同邊城
外後從征噶爾丹有功增給軍餉後以來降之喀
爾喀厄魯特人編為佐領隸焉其八旗分為東西
二翼東四旗曰廂黃旗又東為正白旗又東為廂

白旗最東為正藍旗西四旗曰正黃旗又西為正紅旗又西為廂紅旗最西為廂藍旗凡各旗霸內官地及旗人與民人交涉事件以四旗廳及多倫諾爾廳獨石口廳張家口廳豐鎮廳寧遠廳治之其本旗事務設都統副都統及總管等員管轄察哈爾八旗分為東西兩翼駐牧地分列如左

廂黃旗 駐蘇門峯在張家口北二百四十里漢上谷北境萬全衛邊外

正黃旗 駐木孫忒克山在張家口西北三百二十里漢且如縣地後魏柔元鎮金撫州威寧縣

地明天成衛邊外

正紅旗 駐古余板拖羅海山在張家口外西北
二百七十里漢雁門郡北境明大同府邊外

廂紅旗 駐布林泉在張家口西北四百二十里
漢雁門郡北境明大同府邊外

正白旗 駐布爾噶台在獨石口西北二百七十
里漢上谷郡北境明龍衛邊界

廂白旗 駐布雅阿海蘇默獨石口北二百四十
五里漢上谷郡北境明開平衛北邊

正藍旗 駐札哈蘇台泊在獨石口東北三百六

駐

十里漢上谷郡北境金為桓州元開平明開明

衛北境

廂藍旗

阿巴漢喀喇山在殺虎口東北九十里

漢雁門沃陽地後魏梁城郡參合地明大同西北邊外

冀定庵論京北可居狀其時風氣與今異然其文足貴茲特錄之

京師春益早冬益燠客益眾土著益詐吾相北方獨宣化府承德府之間可以居可以富可以長子孫今夫東南草木尤尤然易榮也易高大也易槁

也蠹空其中雨漬其外有園圃者不規久遠不能
儲以為美材宣化承德間少木木四月始榮其華
肥其葉長其材堅得三頃之硯确以種木三十年
而材之棟宇棺槨之利可以專數縣恒寒故腠理
實恒勞故筋骨固食妖服妖玩好妖不至故見聞
定居天下極北仕者賈者不取道不取道無過客
矣故家室姻戚皆舊我祖我宗蹕路之所出入承
德則山莊在焉近宮牆蹕路不為陋子孫如智慧
亦可以窺掌故矣東南生齒密邱墓密歲歲埋之
歲歲掘之故土浮故土多石少宣化承德間平地

皆巨石地氣不洩故無蚊蚋蠹蟲亦無瘟疫瘧疾
人畜皆壽如夾山之均縱可四百丈橫四之一可
以牧牛羊犂牛牧可以代田石炭可以代薪狼狐
野貓之皮可以代蠶子孫如聰慧者宜習蒙古書
通喇嘛經咒習蒙古書通喇嘛經咒可以代東南
書記之館教讀之師吾有丈夫子二如一支回南
一支遷北他日魂魄其韻北乎噫吾少年營東南
山居中年仕宦心中溫溫然不忘東南之山居京
師既不欲久淹天意詞我人事恭我又未必使我
東南從曼妙之樂也我方圖之矣丁酉十月與客

言志既送客書示兒子

定庵先生說居庸關云

居庸關者古之譚守者之言也龔子曰疑若可守
然何以疑若可守然曰出昌平州山東西遠相望
俄然而相輳相赴以至相蹙居庸寔其間如因兩
山以為之門故曰疑若可守然關凡四重南口者
下關也為之城城南門至北門一里出北門十五
里曰中關又為之城城南門至北門一里出北門
又十五里曰上關又為之城城南門至北門一里
北門又十五里曰八達嶺又為之城城南門至北

門一里蓋自南口之南門至於八達嶺之北門凡四十八里關之首尾具制如是故曰疑若可守然下關最下中關高倍之八達嶺之俛南口也如窺井然故曰疑若可守然自入南口城堯有天竺字蒙古字上關之北門大書曰居庸關景泰二年修八達嶺之北門大書曰北門鎖鑰景泰三年建有入南門水齧吾馬蹠涉之漉然鳴弄之則忽涌忽湫而盡態迹之則至乎八達嶺而窮八達嶺者古濕餘水之源也自入南口木多文杏蘋婆棠梨皆恕華自入南口或容十騎或兩騎或容一騎蒙

蒙古自北來鞭索駝與余臂行時時索駝衝余騎
顛余亦撾蒙古帽墜於索駝前蒙古大笑余乃私
歎曰若蒙古古者建置居庸關之所以然非以若
耶余江左士也使余生趙宋世目尚不得觀燕趙
安得與反虜者相撾戲乎萬山間生我聖清中外
一家之世豈不傲古人哉蒙古來者是歲克西克
騰蘇尼特皆入京詣理藩院交馬云自入南口多
霧若小雨過中關見務亭焉問其吏曰今法網寬
大稅有漏乎曰大筐小筐大偷索駝小偷羊余數
曰信若是有間道矣自入南口四山之陂陀之

隙有護邊牆數十處問之民皆言是明時修徵稅吏言吾固知有間道出沒於此護邊牆之間承平之世漏稅而已設生昔之世與凡守關以為險之世有不大駭北兵自天而降者哉自八達嶺地遂平又五百里曰空道

定庵先生說張家口略見昔日軍臺之弊其文云

張家口在宣化府萬全縣北境察哈爾都統駐焉凡効力軍臺贖罪者駐焉効力者効力軍臺也何以駐張家口近今五十年駐張家口也昔之日稱軍臺者何仁皇帝親北征有事蒙古純皇帝命將

得

西征出入蒙古故軍臺始於平噶爾丹密於追達
瓦齊時周師密布於設定邊左副將軍時今無軍
事何以稱軍臺曰猶內廷有軍機處無事亦稱
也軍臺起訖如何以口外察哈爾為起而北而西
北而又西以烏里雅蘇台為止凡四十八臺無軍
有臺何也通檄報也察哈爾都統與邊左副將軍
遙聲援中開哲卜尊丹喇嘛哈爾哈諸汗與理藩
院往返之檄報臺員率驛丁奉之走驛丁受轡受
此也臺員効力効此也駐張家口何名曰戍張家
口也張家口烏用戍曰旅焉而已有財三年估無

財三年旅問何所始也始於臺員有老病者畏塞
外之寒且勞入貲充公白都統許之以其貲輟蒙
古代之勢也情也非法也亦無臺費之名亦不上
聞今臺費上聞臺費行而臺員除矣如有人不能
出臺費願充臺員今許之乎不反許又如有人願
亦出臺費亦充臺員則許之乎亦不許何以不許
都統但聞五十年事不聞康熙事不聞乾隆初年
事王元鳳天下士也為桂陽州知州下車摘豪蠹
大創之又平徭有奇功天子嘉之錫之孔雀翎擢
為陳州府知府元鳳入覲方留京師而州大猾夜

出境為飛語達京師竟聞天子天子使使鞠之使
者受單詞當元鳳以革職發往軍臺効力贖罪是
獄也寬元鳳者半天下元鳳獨飛揚大喜心就速
時謂送吏曰元鳳足跡偏中華獨未得西北塞外
一見聖朝中外為一之盛吾此行甘騎橐駝佩短
刀往來風沙中冀自珍屬之曰吾為蒙古圖志某
部落某山尚未有圖子皆為我國之冀自珍乞假
五日送之居庸關逾八達嶺而反既聞兵部尚書
青陽王公言近日事例如此既又聞常熟蔣軍言
吾嘗以謫行卧三年納貲乃還如尚書言既又得

王元鳳書果如尚書言吁天下事名實不相應什
九如是哉元鳳又言吾到戍三日獨騎橐駝懷筆
墨至大禁門欲出門者叱之而止

姚伯昂先生竹葉亭雜記云塞外竹枝詞註云基城
主人俚調先曾王父曹州公戲作也自識云盧抱
孫出塞集有竹枝詞十三首工妙異常惜不盡夷
民情事故補寫之其已道者不及也續貂之謂所
不計云

到此寧教心不灰非風即雪更塵埃
羶幃幾處山
坳裏一似生人作夜臺